



**REPUBLIKA E SHQIPERISË**  
**MINISTRIA E MJEDISIT**  
**AGJENCIA KOMBËTARE E MJEDISIT**  
**DREJTORIA E SHQYRTIMIT DHE MONITORIMIT TË LEJEVE MJEDISORE DHE VNM**

AN040920250016

Tiranë, më 23.12.2025

Komisioni 168

## DEKLARATË MJEDISORE

Në mbështetje të Ligjit Nr. 12/2015 “Për disa ndryshime në ligjin nr. 10440, datë: 07.07.2011, “Për Vlerësimin e Ndikimit në Mjedis”, VKM 714, datë: 06.11.2019, për disa ndryshime dhe shtesa në VKM 686, datë: 29.07.2015, “Për miratimin e rregullave, përgjegjesive e afateve, për zhvillimin e procedurës së transferimit të Vendimit e Deklaratës Mjedisore”, të ndryshuar, dhe me propozim të Agjencisë Kombëtare të Mjedisit, Ministri

### VENDOSI:

Lëshimin e Deklaratës Mjedisore për **Zhvilluesin** me të dhënat si më poshtë:

**Personi Juridik:** “SPA VENUS” sh.p.k.

**Nr. NIPT-i:** L67224204R

**Adresa e selisë:** Tërbaç, rruga e Kishës, Lagjja Qafë e Pëllumbave, Vlorë.

**Personi përgjegjës:** Agron Karafilaj

Për të zhvilluar projektin “**SHFRYTËZIM I GURIT GËLQEROR TË MERMERIZUAR, ZONA MINERARE NR.70/12**”.

Aplikimi është bërë referuar ligjit Nr. 10 440, date: 7.7.2011 “Për Vlerësimin e Ndikimit në Mjedis”, Shtojca I, “Projektet që i nënshtrohen Procedurës së Thelluar të Vlerësimin të Ndikimit në Mjedis”, Pika 19. Gurore dhe miniera sipërfaqësore, ku sipërfaqja e vendit është mbi 0,5 hektarë, ose vende për nxjerrjen e torfës, ku sipërfaqja e vendit është mbi 1 hektar.

**Vendndodhja:** Zona Minerare nr.70/12, Objekti “Lepenice”, Qarku Vlorë.

**Të dhëna teknike:**

*Mbështetur në deklaratimet e AKBN-së.*

Sipërfaqe për t’u shfrytëzuar: 12.03 ha

Lloji i mineralit: Gur Gëlqeror i mermerizuar.

*(Bashkangjitur vendimit, gjeni aneksin me hartën topografike dhe koordinatat metrike, ku tregohet vendodhja e objektit)*

Bazuar në nenin 12, të ligjit nr. 10440, datë 7.7.2011, “Për vlerësimin e ndikimit në mjedis”, i ndryshuar, i sugjerohet autoritetit planifikues:

**Miratimi i lejes/licencës së zhvillimit të atij projekti, me kushtet që duhet të përmbushen nga zhvilluesi, për të parandaluar, minimizuar dhe menaxhuar ndikimet negative në mjedis;**

Bazuar në pikën 2, të nenit 12, të ligjit nr. 10440, datë 7.7.2011, “Për vlerësimin e ndikimit në mjedis”, të ndryshuar, më poshtë po listojmë:

### **1. Qëndrimin e Ministrisë dhe sipas rastit, kushtet që duhet të përmbushen nga zhvilluesi:**

**Drejtoritë teknike të Ministrisë shprehin mendimin si më poshtë:** Bazuar në raportin e Vlerësimit të Ndikimit në Mjedis (VNM e Thelluar) të përcjellë për mendim, për veprimtarinë “Shfrytëzim i gurit të mermerizuar”, me vendndodhje në Vlorë, me numër aplikimi AN200520250021, sa i përket fushës së cilësisë së ajrit në mjedis, menaxhimit të kimikateve, si dhe asaj të ndryshimeve klimatike, Drejtoria e Ndryshimeve Klimatike shprehet me rekomandimet si më poshtë vijon: Me qëllim mbrojtjen e cilësisë së ajrit në mjedis dhe në zbatim të legjislacionit përkatës për këtë fushë, sugjerohet që gjatë fazës së ushtrimit të aktivitetit, duhet të mbahen në konsideratë rekomandimet e mëposhtme:

- Të respektohen normat e lejuara të shkarkimeve në ajër të ndotësve të gaztë dhe lëndës së ngurtë pezull, në zbatim të VKM-së nr. 435, datë 12.9.2002 “Për miratimin e normave të shkarkimeve në ajër në Republikën e Shqipërisë”;
- Të spërkatën rregullisht me ujë rrugët e transportit, për mbajtjen nën kontroll të pluhurformimit, si dhe forcimin e zbatimit të këtyre masave edhe më shumë në kohën e thatë dhe me erë, në zbatim të VKM-së nr. 412, datë 19.6.2019 “Për miratimin e planit kombëtar për menaxhimin e cilësisë së ajrit”;
- Automjetet transportuese, të mos ngarkohen më shumë së kapaciteti i tyre mbajtës, si dhe të mbulohen me struktura të posaçme, për të shmangur përhapjen e pluhurave dhe derdhjen e materialeve që transportohen, në zbatim të VKM-së nr. 412, datë 19.6.2019 “Për miratimin e planit kombëtar për menaxhimin e cilësisë së ajrit”.

Gjithashtu me qëllim mbrojtjen e mjedisit, nëse do të ketë përdorim të lëndëve plasëse, përdorimi i tyre të bëhet në përputhje me Ligjin nr. 74/2021 “Për hedhjen në treg dhe mbikëqyrjen e lëndëve plasëse për përdorim civil”.

Në zbatim të legjislacionit përkatës për fushën e ndryshimeve klimatike, sugjerohet që të kryhet rehabilitimi i plotë i sipërfaqeve të gjelbra të dëmtuara si rezultat i ushtrimit të aktivitetit.

**Drejtoria e Natyrës dhe Pyjeve për këtë aktivitet shprehet:** Sipas raporteve dhe pas informacioneve plotësuese, vlerësojmë se:

- për sipërfaqet pyjore ku do zhvillohet aktiviteti është detyrim që të kihet parasysh parashikimet ligjore të ligjit 57/2020, datë 30.4.2020 “Për pyjet”, veçanërisht pika 6, neni 10 dhe neni 12, të tij dhe ligjit 9693, datë 19.3.2007 “Për fondin kullosor”, i ndryshuar;
- ndërhyrja të bëhet në sipërfaqe të vogla (sipas parashtrimeve në dokumentacionin shtesë të përcjellë) dhe sipas grafikut duke realizuar rehabilitimin e tyre sipas radhës së ndërhyrjes dhe për këtë të bashkërendohet puna me AKBN-në;
- për sipërfaqet që forma (kategoria) e përdorimit të sipërfaqes së kërkuar për projektin ndryshon, duhen ndjekur procedurat sipas VKM nr.888, datë 27.12.2022, si dhe parashtrimet konkrete për rehabilitimin e këtyre sipërfaqeve;

- Drejtoria e Natyrës dhe Pyjeve sugjeron, vendosjen e kushteve të mësipërme për pajisjen me VNM, të këtij projekti.

*Drejtoria Ekonomise Qarkulluese shprehet:* Aplikuesi, i cili në aplikimin AN200520250021, datë 20.05.2025, kërkon të pajiset me VNM praprake, duhet të përmbushen detyrimet për menaxhimin e mbetjeve, në zbatim të kuadrit ligjor në fuqi, në fushën e mbetjeve, si më poshtë vijon:

1. Të zbatohet Ligji nr. 10 463, date 22.09.2011 “Per menaxhimin e integruar të mbetjeve”, i ndryshuar.
2. Mbetjet që do të krijohen, të specifikohen sipas kodeve të Vendimit të Këshillit të Ministrave nr. 402, datë 30.06.2021 “Për miratimin e katalogut të mbetjeve”.
3. Të respektohen kërkesat e VKM nr. 418, date 25.06.2014 “Për grumbullimin e diferencuar të mbetjeve në burim”. 4. Të zbatohen kërkesat e VKM nr. 575, datë 24.6.2015 “Për miratimin e kërkesave për menaxhimin e mbetjeve inerte”.
5. Transferimi i mbetjeve jo të rrezikshme të shoqërohet me plotësimin e shtojcës 1 të Vendimit të Këshillit të Ministrave nr. 229, datë 23.04.2014, “Për miratimin e rregullave për transferimin e mbetjeve jo të rrezikshme dhe të dokumentit të transferimit të mbetjeve jo të rrezikshme”, të ndryshuar.
6. Mbetjet e rrezikshme, të dorëzohen sipas Vendimit të Këshillit të Ministrave nr. 371, datë 11.06.2014 “Për përcaktimin e rregullave për dorëzimin e mbetjeve të rrezikshme dhe miratimin e dokumentit të dorëzimit të mbetjeve të rrezikshme”, të ndryshuar.
7. Subjekti që do të transportojë ose do të transferojë mbetjet të jetë i pajisur me licensë III.2.B, si detyrim i nenit 57, të ligjit nr. 10463, date 22.09.2011 “Për menaxhimin e integruar të mbetjeve”.
8. Për të gjitha mbetjet nga ambalazhet të zbatohet Vendimi i Këshillit të Ministrave nr. 177, datë 06.03.2012, “Për ambalazhet dhe mbetjet e tyre”, i ndryshuar.

*Agjencia Kombëtare e Burimeve Natyrore shprehet:* Në vijim të shkresës me nr. 2283. Prot, datë 28.05.2025, Ju informojmë se Zona Minerare 70/12, Objekti “Selenicë”, bashkia Vlorë, është Miratuar Zonë Konkruuese me VKM, NR.664, date 10.10.2019 “Per miratimin e programit te veprimit 3- vjecar, ne zbatim te Strategjisë Minerare”.

*Agjencia e Menaxhimit te Burimeve Ujore shprehet:* Në lidhje me këtë aplikim, bazuar në plotësimet tuaja, ngarkuar në sistem nëpërmjet shkresës me datë 08.08.2025, referuar gjurmës së zonës që do të zhvillohet, që rezulton prej koordinatave të konturit të dhëna në Raportin Teknik të paraqitur nga ju, si edhe të dhënave për trupat ujorë sipas shtresës Hidrografia në Gjeoportalin e ASIG, rezulton se sipërfaqja ku kërkohet shfrytëzimi i Gurit Gëlqëror nuk bie ndesh me dispozitat e legjislacionit për burimet ujore.

Sugjerojmë, që të zbatohen masat e propozuara në Raportin Teknik, si dhe në Njoftimin për VNM të Thelluar, për mbrojtjen e mjedisit të cilat ruajnë moscënimin e burimeve ujore.

Gjithashtu, nëse subjekti “SPA VENUS” sh.p.k nuk ka një kontratë për furnizimin me ujë të aktivitetit dhe do të përdorë burimet ujore për qëllime të tjera (teknologjike), duhet të aplikojë për leje për furnizim me ujë nëpërmjet portalit e-Albania, “Aplikim për përdorim burimi ujor”.

*Agjencia Kombëtare e Zonave të Mbrojtura shprehet:* Bazuar në dokumentacionin e dërguar në aplikim, sipërfaqja ku do të zhvillohet projekti: “Shfrytëzimi i gurit gëlqeror”, Zona Minerare Nr. 70/12, Objekti “Lepenicë”, Qarku Vlorë, me zhvillues “SPA VENUS” dhe aplikues “D.E.A. PROJEKT”, me nr. Aplikimi AN200520250021, nuk ndodhet brenda rrjetit të zonave të mbrojtura.

*Ministria e Infrastrukturës dhe Energjisë shprehet:* Shoqërisë SPA Venus sh.p.k., ju informojmë se kësaj shoqërie i është dhënë e drejta nga Ministria e Infrastrukturës dhe Energjisë (Nr.2592/1 prot. MIE,

datë 27.03.2025), për të aplikuar në QKB për pajisje me leje minerare shfrytëzimi, për mineralin gëlqeror i mermerizuar, zona nr.70/12, objekti “Lepenicë”, Qarku Vlorë.

Për sa më sipër, në zbatim të Ligjit Nr. 10 304, datë 15.7.2010“Për sektorin mineral në Republikën e Shqipërisë”, të ndryshuar, shprehemi dakord për vazhdimin e procedurave për pajisjen e shoqërisë së mësipërme me lejen përkatëse në funksion të veprimtarisë minerare në zonën e licencuar nga Ministria e Infrastrukturës dhe Energjisë, në rast të plotësimit të dokumentacionit të kërkuar.

*Bashkia shprehet:* Në përgjigje të kërkesës suaj regjistruar në sistemin e-leje me AN200520250021, për shprehje mendim në lidhje me PPV dhe fondin pyjor/kullosor për zhvillimin e projektit ‘Shfrytëzim i gurit gëlqeror’. 2.1 ‘Gurore, miniera sipërfaqësore dhe nxjerrje e trofës’; Shfrytëzim i gurit të mermerizuar/ zona minerare nr. 70/12. Me zhvillues ‘SPA VENUS’ sh.p.k,

Ju bëjmë me dije si vijon: Bashkia Selenicë, si institucion vendor, bazuar në Ligjin nr. 107, datë 31.07.2014 ‘Për planifikimin dhe zhvillimin e territorit’, i ndryshuar, Ligjin Nr. 1040, datë 07.0.2011 ‘Për vlerësimin e ndikimit në mjedis’, Ligji Nr. 8756, datë 26.03.2001 ‘Për fondin pyjor dhe kullosor’, i ndryshuar, Ligji Nr. 10431, datë 09.06.2011‘Për mbrojtjen e mjedisit’, i ndryshuar, VKM nr. 575, datë 10.07.2013 ‘Për miratimin e kriterëve, të rregullave dhe të procedrave për dhënien në përdorim të fondit pyjor e kullosor’, VKM nr. 102, datë 23.02.2023‘Për miratimin e listës së projekteve që i nënshtrohen VNM-së paraprake dhe asaj të thelluar’, VKM nr. 408, datë 13.05.2015 ‘Për miratimin e rregullores së zhvillimit të territorit, e ndryshuar, si dhe akteve të tjera lijqore e nënlijqore në fuqi.

Pasi u shyrta dokumentacioni dhe u verifikua përshtatja me Planin e Përgjithshëm Vendor dhe regjistrin e fondit Pyjor/Kullosor, ju bëjmë me dije sa vijon:

1. Sipas Planit të përgjithshëm vendor sipërfaqja e propozuar ndodhet në Kategorinë 1 – Tokë natyrore dhe Nënkatëgoria N1 – Kullotë. Në këtë kategori përdorimi bazë është për funksione bujqësore – blegtorale dhe mjedisore.
2. Zona ku përshkrohet është pjesë në fondin pyjor/kullosor të Bashkisë Selenicë, sipas regjistrave të pasurive pyjore e kullosore. Konkretisht Nr. Pasurie 13 bene pjese ne ekonomine kullosore Gjorm – Vranisht, kurse pasurite nr. 25, 24,26b dhe 26°, bajne pjese ne ekonomine pyjore Mali Bratit-Gumenice.

*Agjencia Rajonale e Mjedisit shprehet:* Në vijim të zbatimit të Ligjit Nr. 10431, datë 09.06.2011 “Për Mbrojtjen e Mjedisit” i ndryshuar, Ligjit Nr. 10448, datë 14.07.2011, “Për Lejet e Mjedisit”, i ndryshuar, Ligjit Nr. 10440, datë 07.07.2011 “Për Vlerësimin e Ndikimit në Mjedis”, dhe akteve nënlijqore mjedisore në fuqi, Agjencia Rajonale e Mjedisit Fier/Vlorë/Gjirokastër, jep mendimin se subjekti duhet të vazhdojë procedurat përkatëse për Vlerësimin e Ndikimit në Mjedis (Të Thelluar).

## **2. Informacion për procesin e realizuar të konsultimit me publikun:**

*Konsultimi me publikun:* U krye në datë 16.12.2025. Morën pjesë përfaqësues nga komuniteti i zonës, përfaqësues nga Bashkia, Agjencia Rajonale e Mjedisit si dhe Eksperti Mjedisit i cili ka prezantuar projektin, në zbatim të Vendimit nr. 247, datë 30.4.2014 “Për përcaktimin e rregullave, të kërkesave e të procedurave për informimin dhe përfshirjen e publikut në vendimmarrjen mjedisore” të ndryshuar. Në konsultim me publikun të pranishmit nuk shprehen ankesa apo padakortesi .

## **3. Arsyet dhe konsideratat kryesore, ku është mbështetur mendimi;**

Zhvillimi i aktivitetit është në përputhje me:

- Në mendimin e anëtarëve të Komisionit 168, datë 23.12.2025, i mbledhur në zbatim të Urdhërin nr.613, datë 17.12.2024, për “Krijimin e komisionit teknik për shqyrtimin e kërkesave që i nënshtrohen procedurës paraprake dhe të thelluar të vlerësimit të ndikimit në mjedis”.
  - **Njoftimin e Fituesit nga MIE, me Nr.2592/1 prot., datë 27.03.2025, për të aplikuar në QKB për pajisje me leje minerare shfrytëzimi, për mineralin gëlqeror i mermerizuar, zona nr.70/12, objekti “Lepenicë”, Qarku Vlorë.**
    - Shkresa Nr.2283/1 prot, datë 11.08.2025, nga Agjencia Kombëtare e Burimeve Natyrore
    - Mendimin e Drejtorive teknike të Ministrisë së Mjedisit
    - Mendimin e Agjencisë Kombëtare të Zonave të Mbrojtura;
    - Mendimin e Agjencisë Rajonale të Mjedisit.
    - Mendimin e AMBU-së;
    - Mendimin e bashkisë;
- 4. Përshkrimin, sipas rastit, të masave kryesore që duhen marrë për të shmangur, reduktuar e nëse është e mundur, për të korrigjuar efektet negative të rëndësishme:**
- 4.1 Ky objekt të ndërtohet në përputhje të plotë me Planin e Përgjithshëm Vendor dhe Planin e Detajuar Vendor, të miratuar nga organet kompetente dhe akteve ligjore dhe nënligjore në fuqi.**
- 4.2 Ky vendim nuk është leje zhvillimi përfundimtare për zbatimin e këtij projekti, por është një dokument i cili lëshohet me kusht që në rast se do të zhvillohet ky aktivitet, duhet të zbatohet kushtet e vendosura si detyrim që vjen nga Ligji Nr. 10431, datë 9.6.2011 “Për Mbrojtjen e Mjedisit”, si dhe Ligji nr. 10 440, datë 07.07.2011 “Për Vlerësimin e Ndikimit në Mjedis”, të ndryshuar, KREU I, Neni 1, Pika a); KREU II, Neni 7, Pika 1; KREU V, Neni 20, Pika 1.
- 4.3 Në rast se gjatë punimeve shfaqen elemente të tillë si: objekte kulti, gjurmë arkeologjike, burime ujore etj, subjekti të ndërpresë punimet dhe të lajmërojë urgjentisht organet kompetente.
- 4.4 Kjo Deklaratë është e vlefshme pasi subjekti të bëjë heqjen nga Fondi Pyjor, në rast se aktiviteti bie në një të tillë. Të ketë në vëmendje të veçantë referencat kadastrale që preken nga ushtrimi i aktivitetit.**
- 4.5 Në bazë të Ligjit Nr. 81/2017, “Për Zonat e Mbrojtura”, nga zbatuesit e projektit të merren masa që mos të dëmtohen zona me status të veçantë.
- Gjatë fazës së instalimit:**
- 4.6 Të vendoset sinjalistika paralajmëruese përgjatë gjithë segmentit të punimeve me qëllim shmangien e aksidenteve njerëzore.
- 4.7 Të instalohet sistemi i eliminimit dhe kapjes së pluhurave, nëpërmjet sprucimit me ujë. (Ky sistem, të detajohet qartë me skica, planimetri etj në aplikimin për Leje Mjedisore)
- 4.8 Të kontrollohen kushtet teknike të mjeteve të punës në mënyrë periodike për të evituar, parandaluar rrjedhjet e lubrifikantëve e të hidrokarbureve në mjedis, emetimin e gazeve të shkaktuara nga avari teknike të mjeteve të subjektit.
- 4.9 Të respektohet distanca nga rruga, gjatë fazës së instalimit dhe kryerjes së punimeve, sipas legjislacionit në fuqi.
- 4.10 Përdorimi i pajisjeve, automjetet, që emetojnë nivele zhurmash brenda normave të lejuara të emetimit 60 – 100 db.
- 4.11 Subjekti të realizojë në mënyrë të menjëhershme çdo ndërhyrje teknike për të riparuar çdo fenomen negativ në mjedis si pasojë e veprimtarisë së tij.

- 4.12 Të sistemohen brenda sipërfaqes së shfrytëzimi të gjitha sterilet e gjeneruara nga shfrytëzimi i karrierës.
- 4.13 Në raste aksidentesh ose defektesh teknologjike që shkaktojnë ndotje të mjedisit, subjekti menjëherë duhet të jap informacion në ARM-në e qarkut përkatës dhe AKM, të cilat bëjnë të mundur njoftimin e popullatës që preket nga ky aksident.
- 4.14 Subjekti të hartojë dhe zbatojë një plan masash lidhur me masat e parandalimit dhe shuarjen e zjarreve në rast aksidentesh nga plasjet për nxjerrjen e materialit.**
- 4.15 Të mbillen pemë në të gjithë perimetrin e zonës për të minimizuar ndikimet në mjedis dhe përmirësuar pejsazhin.
- 4.16 Subjekti të kujdeset për menaxhimin e mbetjeve të krijuara gjatë fazës së instalimit, sidomos ato të ambalazhimit, duke i transportuar në mënyrë të rregullt në vend grumbullimet e caktura nga njësia vendore. Zotëruesit e mbetjeve inerte duhet të zbatojnë detyrimet që janë të përcaktuara në VKM nr.575, datë 24.06.2015 “Për miratimin e kërkesave për menaxhimin e mbetjeve inerte”.
- 4.17 Përgjatë gjithë rrugës së brendshme të karrierës (përfshi transhetë), të hapet një kanal ujëmbledhës i orientuar drejt një grope dekantimi, për mbledhjen dhe disiplinimin e ujërave gjatë kohës së shfrytëzimit.
- 4.18 Të bëhet pastrimi i mjeteve të punës para daljes nga kantieri i ndërtimit për të mos shkakuar ndotje në mjedis.
- 4.19 Të merren masa për mbrojtjen e biodiversitetit të zonës.
- 4.20 Të kihet kujdes treguesit kadastralë të sipërfaqes pyjore/kullosore që do të përdoret për aktivitetin, të jenë vetëm brenda sipërfaqes së miratuar.**
- 4.21 Personi përgjegjës teknik për zhvillimin e aktivitetit duhet të jetë i informuar për bazën ligjore të pyjeve në fuqi dhe për zbatimin e tyre.**
- 4.22 Mbetjet që gjenerohen nga procesi i punimeve të trajtohen në përputhje me legjislacionin në fuqi, për Menaxhimin e Integruar të Mbetjeve.
- 4.23 Të bëhet kontrolli i kushteve teknike në mënyre periodike të mjeteve të punës, për të evituar, parandaluar rrjedhjet e lubrifikanteve dhe hidrokarbureve në mjedis, emetimin e ndotësve në gaz të shkaktuara nga avari teknike të mjeteve.
- 4.24 Të merren masa të sigurimit teknik që punimet të mos kryhen në oraret e papërshtatme dhe mbi normat e lejuara të zhurmave, si dhe të zbatohet Udhëzimi nr.8, datë 27.11.2007 “Për nivelet kufi të zhurmave në mjedise të caktuara”, i ndryshuar.
- 4.25 Të përdoren automjete të mbuluara (të mbyllura ose të mbuluara me mbulesë të posaçme) për transportin e materialeve të thata.
- 4.26 Pastrimi i bimësisë të jetë i kufizuar vetem brenda kufijve ku do të zhvillohet projekti.
- 4.27 Pas përfundimit të fazës së punimeve, sugjerojmë rehabilitimin e plotë të sipërfaqeve të lira dhe krijimin e sipërfaqeve të gjelbërta, përreth objektit.
- 4.28 Subjekti të respektojë kushtet lidhur me mbrojtjen e biodiversitetit, menaxhimin e pyjeve, emetimet në ajër, shkarkimet e ujërave të ndotura, menaxhimin e mbetjeve etj.
- 4.29 Subjekti të respektojë dhe të mbajë parasysh kërkesat dhe kriteret e Ligjit Nr.81/2017 “Për Zonat e Mbrojtura”.
- 4.30 Subjekti të marrë masa për rehabilitim e sipërfaqes së shfrytëzuar.**
- 4.31 Kompania duhet të respektojë gjithashtu kushtet e vendosura në raportin e VNM-së të aplikuar si dhe Ligjin Nr. 10 431, datë 9.6.2011 “Për Mbrojtjen e Mjedisit”.
- 4.32 Në përfundim të punimeve, të rehabilitohet zona e shfrytëzuar.

**4.33 Duke qënë se gjatë fazës së funksionimit, ky aktivitet do të ketë efekte në mjedis, në bazë të Ligjit Ligj nr. 52/2020, datë 30.4.2020 “Për disa ndryshime në ligjin nr. 10 448, datë 14.7.2011, “Për lejet e mjedisit”, të ndryshuar.**

## 5. Monitorimi dhe Raportimi

Në bazë të Ligjit Nr. 128/2020 Për disa ndryshime dhe shtesa në Ligjin Nr. 10440, datë: 07.07.2011, “Për Vlerësimin e Ndikimit në Mjedis”, të ndryshuar, Neni 25/1 “Monitorimi dhe vlefshmëria”, zhvilluesi ka detyrimet si më poshtë:

### - Zhurma dhe Vibracionet

- Të zbatohen nivelet kufi të zhurmës, referuar Udhëzimit Nr. 8, date 27.11.2007 “Për nivelet kufi të zhurmave në mjedise të caktuara” dhe Ligjit Nr.9774 date 12.07.2007 “Për vlerësimin dhe administrimin e zhurmës në mjedis”
- Të merren masa për mbrojtjen e punonjësve nga zhurmat.
- Të merren masat për kufizimin e orareve të punës në kantier.
- Operatori duhet të parandalojë gjenerimin e zhurmës impulsive në zonat e ndjeshme ndaj zhurmës, gjatë operimit të instalimeve.
- Vibrimet në vende të ndjeshme nuk duhet të kalojë 10 mm/s (PPV) në çdo kohë.
- Të bëhet monitorimi i zhurmave për mjediset: automjete/kamiona në hyrje të kantierit, kantier ndërtimi dhe mjedisi urban më i afërt me kantierin çdo 6 muaj.

Mjedisi	Vlera kufi e zhurmës dB(A) Leq, T Ditë	Vlera kufi e zhurmës dB(A) Leq, T Mbrëmje	Raportimi në AKM	Periodiciteti
Automjete/kamiona ne hyrje te kantierit	55	45	25.06.2026	Çdo 6 muaj
Kantier ndertimi	55	45	25.06.2026	Çdo 6 muaj
Mjedisi urban me i afert me kantierin	55	45	25.06.2026	Çdo 6 muaj

*Tabela e niveleve kufi:*

### - Shkarkimet në Ajër

- Të zbatohen nivelet kufi të shkarkimeve në ajër, referuar Ligjit Nr. 162/2014 “Për Mbrojtjen e Cilësisë së Ajrit në Mjedis” dhe VKM Nr. 248, datë: 24.03.2003 “Për Miratimin e Normave të Përkohshme të Shkarkimeve në Ajër dhe Zbatimin e tyre”.
- Shkarkimet në ajër të jene brenda normave të lejuara, duke marre masa për reduktimin e tyre.
- Kantieri në të cilin emetohen lëndë grimcore në ajër, duhet të pajiset sipas mundësive teknike dhe mbi bazën e natyrës së procesit, me rrjeta uji / sisteme spërkatje / sisteme heqje pluhurash.
- Të bëhet monitorimi i nivelit të pluhurave në ajër, për mjediset: kantier ndërtimi dhe mjedisi urban më i afërt me kantierin çdo 6 muaj.

*Tabela e niveleve kufi*

Ndotësi	Përqëndrimi	Raportimi në AKM	Periodiciteti
Lënda grimcore (PM <sub>2,5</sub> )	20-25 µg/m <sup>3</sup>	25.06.2026	Çdo 6 muaj
PM <sub>10</sub>	50 µg/m <sup>3</sup> , 40 µg/m <sup>3</sup>	25.06.2026	Çdo 6 muaj

- **Cilësia e ujrave**

*Parametrat që duhet të monitorohen*

<b>Ndotësi</b>	<b>Përqëndrimi</b>	<b>Raportimi në AKM</b>	<b>Periodiciteti</b>
Lëndët në pezulli	50 mg/l	25.06.2026	Çdo 6 muaj

- **Subjekti duhet të sjellë pranë AKM-së si më poshtë:**

- Informacion në momentin e fillimit të punimeve.
- Informacion për menaxhimin e mbetjeve inerte. Zotëruesit e mbetjeve inerte duhet të zbatojnë detyrimet që janë të përcaktuara në VKM nr.575, datë 24.06.2015 “Për miratimin e kërkesave për menaxhimin e mbetjeve inerte”, dhe transporti të kryhet nga subjekte të licensuara, të pajisura me Kod Unik.
- Raportimin periodik për parametrat që do të monitorohen sipas datës së raportimit/çdo 6 muaj.
- Informacion në përfundim të punimeve, lidhur me punimet rehabilituese të territorit përreth, shoqëruar edhe me foto.

- **Afati i Vlefshmërisë**

- Vendimi për VNM-në paraprake për projektin e propozuar është e vlefshme për aq kohë sa është i vlefshëm edhe dokumenti i miratimit të zhvillimit për projektin.
- Nëse projekti që i është nënshtruar procesit të VNM-së, nuk fillon zbatimin në terren brenda 2 vjetëve nga data e miratimit të deklaratës mjedisore apo të vendimit për VNM-në paraprake, atëherë këto dokumente konsiderohen të pavlefshme dhe procesi i VNM-së fillon nga e para.

*Në bazë të udhëzimit të MM dhe MF nr. 7938, datë 17.7.2014 “Për përcaktimin e tarifave dhe vlerave përkatëse për shërbimet që kryen Ministria e Mjedisit për procesin e VNM-së”, ky subjekt ka kryer pagesën 50.000 lekë.*

**DETYRË**

**I KOMANDUAR NË**

**DREJTOR I PËRGJITHSHËM**

**MINISTRI**

**SOFJAN JAUPAJ**

**Aneksi 1. Harta me Koordinatat** *(sipas AKBN-së)*

